

Siunnersuummut nassuiaatit

Nassuiaatit nalinginnaasut

1. Aallaqqaasiut

Ikiaroorartut pillugit inatsit atuuttoq, Ikiaroorartut pillugit inatsimmik nalunaarummi nr. 391, 21. juli 1969-imeersumi kingornaluy allanngortinneqartarsimasumi nassaarineqarsinnaavoq. Inatsimmik nalunaarut tassaavoq ikiaroorartut pillugit inatsisip nr. 169, 24. maj 1955-imeersup kingusinnerusukkut allannguuteqartup ataatsimut allatorneqarneri.

Inatsit atuuttoq naapertorlugu ikiaroorartunik tassunga ilanngullugit cannabisimik aamma cannabisip uuliaanik ilaatigut eqqussineq annissinerlu, tuniniaaneq, pisineq, tunniussineq, tigusaqarneq paarisqaarnerlu inerteqqutaapput. Pingaarnertut siunertat ilagaat ikiaroorartut siammatsaalineqarnissaat taamaalillunilu ikiaroorartunik atuinikkut innuttaasut ajoqusernissaannit illersorneqarnissaat.

Peqqinnissaqarfimmut suliassaqarfik 1992-imi oqartussaaffigineqalermat ikiaroorartunut tunngasutigut inatsisiliornissamat Kalaallit Nunaat piginnaatitaalerpoq, tak. Kalaallit Nunaanni peqqinnissaqarfik pillugu inatsimmi nr. 369, 6. juni 1991-imeersumi § 1.

Sulineq uuminnga siunnersuummut saqqummiussinermut saqqummiussinissamat aqputtissuisoq ilaatigut Inatsisartut 2019-imi marlunnik aalajangiinerannit tunngaveqarpoq (UKA2019/59 kiisalu UKA2019/128). Inatsisartut aalajangerpaat cannabisimit nioqqutissat inerteqqutaajunnaarnissaannut alloriartoqassasoq (matumanilu cannabisolie) tetrahydrocannabinolimik (THC) annerpaamik 0,2 %-imik akulimmik kiisalu cannabisolianik pisinermik, tuniniaanermik eqqussinermillu inerteqqutaajunnaarsitsillutik THC-mik annerpaamik 0,2 %-mik akulinnik. Inatsisartut tamatumunnga atatillugu Kalaallit Nunaanni innuttaasut nioqqutissanik tamakkuninnga, Danmarkimi innuttaasutulli 2018-imi malittarisassat allanngortinneqarnerisigut atuisinnaalernissaat kissaatigisimavaat.

Ikiaroorartut pillugit Inatsisartut inatsisissaattut matumani siunnersuutitigut nalunaarummik, cannabisip uuliaanik imaluunniit tunisassianik CBD-uulianik akulinnik, Danmarkimi innuttaasutulli atuisinnaalersitsisumik atuutilersitsinissamat toqqammavimmik pilersitsisoqarpoq, taamaalillutik atuisartut cannabisip uuliaanik imaluunniit tunisassianik CBD-uuliamik, THC-mik 0,2 %-imik annikinnerusumilluunniit akulinnik inerteqqutaanngitsumik pisisinnaalerput atuisinnaalerlutillu.

Maluginiaqquneqarpoq Inatsisartut inatsisissaattut siunnersuut manna cannabisip uuliaanik imaluunniit tunisassianik CBD-uulianik, THC-mik 0,2 % tikillugu akulinnik pisinissamat atuinissamulluunniit inerteqqutaajunnaarsitsinngimmat, taamaallaalli matumunnga nalunaarummik atuutilersitsinissamat tunngavissiimmat.

Nakorsat nakorsatut naliliineq tunngavigalugu napparsimasunik katsorsaanssamut ikiaroorntunik nakorsaatissanut allagartamik tunniussisinaanermut periarfissaat Inatsisartut inatsisaannik uannga allangortinneqanngilaq. Tamannattaq nakorsap tamanna nakorsaatissatut innersuussutigisimappagu Nunatta nakorsaataasiviata ikiaroorntunik nakorsaatissatut atortussanik tunniussisinaanermut periarfissaanut atuuppoq.

Peqatigalugu ikiaroorntunik allatut atuineq, paarisarqarneq niueruteqarneq il.il. aallaaviatigut suli inerteqqutaassapput, taamaaliornikkut innuttaasut peqqissusaannik, tassunga ilanngullugit inuusuttunik, ilinniarfeqarfinniittunik, qitigiartarfinniittunik, neriniartarfinniittunik assigisaanniittunillu suli illersuinissaq qulakkeerneqassaaq.

Suliassaqarfimmi inatsisit Danmarkimi inatsisinut naapertuunnissat qulakkeerniarlugu siunnersuutigineqartut danskit aalajangersagaannut assingungaatsiarput, tamannalu naalakkersuinikkut aamma kissaatigineqarsimalluni.

2. Siunnersuummi immikkoortut pingaernerit

Inatsit annermik piginnaatitsissutaasoq pineqarpoq, matumani ikiaroorntunik atuinissamut aammalu akuutissanik assigiinngitsunik, qanoq sunniuteqarsinnaaneri apeqqutaatinnagit maani nunatsinniititsisoqarsinnaaneranut akuersisarnermut malittarisassanik sukumiinerusunik aalajangersaanissamut Naalakkersuisut piginnaatinneqarput. Aammattaq ikiaroorntut assigiinngitsut allat erseqqinnerusumik nassuiarneqartut maani nunami nakorsaatitigut ilisimatusarnikkulluunniit siunertat saniatigut allanut atorneqaqqusaannginnerannut aalajangiinissamut Naalakkersuisut piginnaatinneqarput.

Eqqussineq annessinerlu, tunisineq, pisineq, sananeq piareersaaneq Nunatta Nakorsaataasivianut, kisiannili tigusineq paarisarqarnerlu napparsimavinni nakorsaataasivinnut kiisalu inunnut suliffeqarfinnulluunniit Nakorsaatit pillugit Inatsisartut peqqussutaanni matumunnga malittarisassat atuuttut naapertorlugit, Naalakkersuisunit matumunnga akuerineqarsimasunut inerteqqutaassanngitsoq siunnersuutigineqarput.

Tassungalu peqatigalugu Inatsisartut inatsisaata ullormi atuutilerfiani atuutilertussamik nalunaarusiortoqarnissaa siunnersuutigineqarpoq. Nalunaarut ilaatigut Inatsisartut inatsisaanni ikiaroorntut qanoq paasineqarnissaannut nassuiaammik erseqqissumik imaqassaaq, soorluttaaq nalunaarummut atatillugu ikiaroorntut Inatsisartut inatsisaanni pineqartut allattorneqarsimasut.

Ikiaroorntunik assigiinngitsunik nutaanik ineriartortitsisoqartuarpoq, taamaammat allattorsimaffiit nalunaarummut atassusernissat naapertuunnerpaavoq. Taamaalilluni allattorsimaffik suliassaqarfimmi ineriartorneq malillugu nutarterneqartarsinnaalissapput. Inatsisartut inatsisaat nalunaarutitaqanngitsoq ikiaroorntunik qanorluunniit paarisarqarnermik il.il. inerteqqutaajunnaarsitsisinaanera peqqutaalluni, inatsit nalunaarullu ullormi assigiimmi atuutilersinneqarnissat pingaaruteqarpoq.

Siunnersuut siornatigut taaneqartutut annertunerusumik inatsisaammata piginnaatitsissutaasoq ikiaroorartunullu tunngasut nalunaarummi erseqqinnerusumik malittarisassaqaartinneqartussaammata Ilanngussaq 2-mi ikiaroorartunik unioqqutitsilluni pisinnermut, tuniniaanermt, paarisqaarnermt il.il. pineqaatissiisarnermt ilitsersuut ilanngunneqarpoq. Ilanngussaq Unnerluussisussaataasunit, Eqqartuussivinnit kiisalu allanit unioqqutitsinerni pissutsinik tunngavissiisunik unioqqutitsinerni pineqaatissiinissamut aalajangiiniarnermi suut isumaliutinut ilaatineqassanersut pillugit ilitsersortikkusuttunut atorneqarsinnaavoq. Taamaattoq oqaatigineqassaaq suliaq qanoq inaarutaasumik inermeqassanersooq eqqartuussiviit namminneq aalajangertussaammassuk, kiisalu suliami pineqartumi pissutsit aallaavigalugit tamatigut isummertoqartartussaammata.

3. Pisortanut aningaasaqarnikkut allaffissornikkullu malitsigisinnaasai

Siunnersuut pisortat akuersissuteqartarnermt nakkutilliinermullu aningaasartuuteqarnerulernerannik kinguneqarnissaa naatsorsuutigineqarpoq. Ukiumut aningaasartuutit katillugit 600.000 kr.-t missaaniissasut, tassa ukioq naallugu sulinertut ataatsitut naleqassasut naatsorsuutigineqarpoq, taakkulu akuersissutinik assigisaannillu qinnuteqaatinik Nunatta Nakorsaaneqarfiata suliarinnittarneranut aningaasalersuutaassapput. Aningaasartuutit akitsuutinit isertitat annertoqataannik killilimmik akilerneqartassasut naatsorsuutigineqarpoq.

Siuliani oqaatigineqartutut tunisassianik THC-nik 0,2 %-it tikillugit akulinnik inertequtaajunnaarsitsinissamik Inatsisartut aalajangernerannik akuersineq pisortanut aningaasaqarnikkut allaffissornikkullu kinguneqarsinnaanera oqaatigineqassaaq. Taakku matumani nassuiaatini erseqqinnerusumik nassuiarneqanngillat, kingunissat taakku Inatsisartut inatsisissaattut siunnersuummi uani toqqaannartumik malittarisassiorneqanngimmata.

4. Inuussutissarsiortunut aningaasaqarnikkut allaffissornikkullu malitsigisinnaasai

Siunnersuut inuussutissarsiortunut akitsuutit allaffissornerullu, Nunatta Nakorsaaneqarfiata akuersissuteqartarnerannik taakkualu nakkutiginninnerannik isumaginninnermt tunngasut kingunerisaannik aningaasaqarnikkut allaffissornikkullu malitseqarnissaa naatsorsuutigineqarpoq.

5. Avatangiisinut, pinngortitamut inuillu peqqissusaannut kingunerisinnaasai

Siunnersuut avatangiisinut, pinngortitamut imaluunniit innuttaasut peqqissusaannut sunniuteqarnissaa naatsorsuutigineqanngilaq taakku siunnersuummit sunnerneqartussaannimmata.

Siuliani oqaatigineqartutut tunisassianik THC-nik 0,2 %-it tikillugit akulinnik inertequtaajunnaarsitsinissamik Inatsisartut aalajangernerannik akuersineq inuiaat peqqissusaannut kinguneqarsinnaanera oqaatigineqassaaq. Taakku matumani nassuiaatini erseqqinnerusumik nassuiarneqanngillat, kingunissat taakku Inatsisartut inatsisissaattut siunnersuummi uani toqqaannartumik malittarisassiorneqanngimmata.

6. Innuttaasunut kingunerisinnaasai

Siunnersuut ikiaroonartunik Inatsisartut inatsisaanni pineqartunik unioqqutitsilluni pisinermut, tuniniaanermut, paarisaqarnermut il.il. pineqaatissiissutinik, pingaartumik ikiaroonartunik pinaveersaartitsinissamut aqunneqanngitsumik siaruartoqarnissaata appasissumiitinnissaanut taamaalillunilu pingaartumik inuusuttunik illersuinissamut siunertalinnik imaqarpoq. Taamaammat siunnersuut maanna inatsisinit allaanerunngilaq, tassa pineqartunik pineqartunik unioqqutitsilluni pisineq, tuniniaaneq, paarisaqarnek il.il. pinerluttulerinermut inatsimmut atatillugu pineqaatissiissutaasassallutik.

7. Kingunerisinnaasai pingaernerit allat

Siunnersuut annertunerusunik kinguneqarnissaa naatsorsuutigineqanngilaq.

8. Pisortanik aamma kattuffinnik il.il. tusarniaaneq

Inatsisartut inatsisissaattut siunnersuut 2019-imi tusarniaanermut nittartakkami www.naalakkersuisut.gl-imi tamanut saqqummiunneqarpoq. Siunnersuut tamatuma kingorna arlalinnik allannguuteqarpoq kingornalu piffissami 13. april 2022-miit 12. maj 2022-mut tusarniaassutigineqaqqilluni. Tusarniaanermi kingullermi akissutigineqartut siunnersuummut oqaaseqaatinik ilaqartut tusarniaanermut nittartakkamut saqqummiunneqarput aammalu oqaatsit atorneqartut allanngortinnagit uingasunilli allallugit issuarneqarput pisariaqartitsinerlu naapertorlugu Ilanngussaq 1-imi oqaaseqarfigineqarlutik. Tusarniaanermiit siullermit akissutit tusarniaanermut nittartakkami pissarsiarineqarsinnaasimapput, kisianni nittartakkap allanngortinneqarnera pissutigalugu, tusarniaanermut nittartakkap toqqortaasivia massakut tamanit tusarniaanernut nutaanerusunut iserfigineqarsinnaanngikkallarpoq. Tusarniaanermiit siullermit akissutit tusarniaanermut nittartakkamut ilanngunneqaqqikkumaarput, kisianni siunnersuutip siullermeerneqarnissaa sioqqullugu tamanna pinsinnaanersoq qularnarpoq. Siusinnerusukkut tusarniaanermiit akissutinut assersuutit siunnersuutip tunniunneqarneranut atatillugu Inatsisartunut tunniunneqarput.

Siunnersuummi aalajangersakkanut ataasiakkaanut nassuiaatit

§ 1-imut

Ikiaroorartunut tunngatillugu suliassaqarfimmi ineriartupallanneq tunuliaqutaralugu Naalackersuisut ikiaroorartut sorliit Inatsisartut inatsisaannut ilaanersut taamaalillutillu maani nunameeqqusaannginersut imaluunniit nakorsaaitut ilisimatusarnermulluunniit atatillugu taamaallaat atorpeqarsinnaasut pillugit aalajangersaanissamut piginnaatinneqarput. Piginnaatitsissut siunnersuummi immikkoortut pingaernerit ataanni oqaatigineqareersut immikkoortumi nalunaarummik atuutilersitsinissamut atorpeqassallunilu tassunga atatillugu ikiaroorartut Inatsisartut inatsisaanni pineqartut pillugit allattorsimaffiliortoqassaaq. Peqatigitillugulu piginnaatitsissutitigit allattorsimaffiup nutartertuartarnissaanut Naalackersuisut periarfissinneqarput.

Akuutissat taaneqartut pissutsit immikkuullarilluinnartillugit nunatsinniitneqarsinnaanerinit akuersissuteqartarneq pillugu malittarisassanik erseqqinnerusunik aalajangersaasinnaanissaannut Naalackersuisut piginnaatinneqarput. Ikiaroorartunik nunatsinniisitsisoqarsinnaaneramik inerteqqummik saneqqutsinissamut pisariaqartitsisoqalersinnaanera pissutigalugu aalajangersagaq ilanngunneqarpoq. Naalackersuisut akuersissutinik tunniussisarnermut malittarisassanik erseqqinnerusunik aalajangersaasinnaapput, soorlu akuersissutit pineqartut kingusinnerusukkut atorunnaarsinneqarsinnaanerit aamma periarfissaasoq.

§ 2-mut

Imm. 1-imut

Aalajangersakkami aalajangerneqarpoq ikiaroorartunik § 1, nr. 2-mi pineqartunik eqqussinissamut annessinissamullu, tuniniaanissamut, pisinissamut, sananissamut piareersaanissamullu Nunatta Nakorsaataasivianut inerteqqutaanngitsut.

Imm. 2-mut.

Aalajangersakkami aalajangerneqarpoq, ikiaroorartunik § 1, nr. 2-mi nassuiarneqartunik tunniussineq, tigusaqarneq paarisagarnerlu Nunatta Nakorsaataasivianut, napparsimavinni nakorsaataasivinnut taakkunungalu matumunnga immikkut akuersissummik pissarsisimasunut inerteqqutaanngitsooq. Tamatuma saniatigit aalajangersakkami aalajangersarneqarpoq, pineqartut tamatumunnga tunngatillugu suliannut killilersuutinik nalinginnaasunik Naalackersuisut aalajangersaasinnaasut. Tassungalu peqatigitillugu akuersissutini ataasiakkaani immikkut killilersuutinik aalajangersaasoqarsinnaasoq aalajangersakkatigit periarfissinneqarpoq. Kiisalu Naalackersuisut ikiaroorartunik atuisinnaanermut pisinnaatitaaffiit eqqarsaatigalugit tamatumunnga akuersissummik killiliisinnaatitaallutillu atorunnaarsitsisinnaapput.

Imm. 3-mut

Aalajangersakkami aalajangerneqarpoq ikiaroomartortalinnik Nunatta Nakorsaataasivianit napparsimavinnilu nakorsaataasivinnit pisineq tigusaqarnerlu kiisalu paarisqaqarneq inunnut nalinginnaasumik inerteqqutaanngitsumik nakorsaatisannut allagartaq allagartarlunniit inniminniissut naapertorlugu tiguisunut inerteqqutaanngitsoq. Tamanna Nakorsaatit pillugit Inatsisartut peqqussutaanni nr. 1, 12. maj 2005-imeersumi § 16-imi taannalu naapertorlugu najoqqutassani atuutilersinneqartuni malittarisassaqaartinneqarpoq.

Imm. 4-mut

Aalajangersakkami aalajangerneqarpoq ikiaroomartunik § 1-imi pineqartunik eqqussineq annissinerlu, tuniniaaneq, pisineq, tunniussineq, tigusaqarneq, sananeq, piareersaneq paarisqaqarnerlu, imm. 1-3-mi immikkut akuerisanut ilaangikkaanni inerteqqutaasut.

§ 3-mut

Imm. 1-imut

Nunatta Nakorsaaneqarfia § 1, nr. 1 aamma § 2, imm. 1, oqaaseqatigiit siulliit naapertorlugit oqartussatut suliaqarpoq, tassa Nunatta Nakorsaaneqarfia tassaasorineqarmat ikiaroomartunik siunertanut assigiinngitsunut atuinernut naliliinissaminut aalajangiisinnaalluarnertut nalilerneqarmat, matumanilu ilisimatusarnermut nakorsaasersuinernullu tunngasuni siunertamut naapertuuttumik aalajangiisinnaalluni. Aamma naatsorsuutigineqarpoq tamanna peqqinnissaqarfimmi sulisunik peqqinnissaqarfiullu ataani oqartussanik suleqateqarluni pinerusassasoq, taamaalilluni Nunatta nakorsaaneqarfiata sulineranut nalunaarummi nr. 7 15. juni 2017-imeersumi suliaannut naapertuulluni.

Imm. 2-mut

Aalajangersakkami Nunatta Nakorsaaneqarfiata akuersissutinut tunngasunik sulineranut akiliutinik suliffeqarfinit tamakkiisumik ilaannakortumillunniit akileeqqusinermut akiliinernullu malittarisassanik Naalakkersuisut aalajangersaasinnaanerannik pisinnaatitsivoq. Akiliutissat sulianut aalajangersimasunut Nunatta Nakorsaaneqarfiata suliarisaanut imaluunniit Nunatta Nakorsaaneqarfiata nalinginnaasumik suliarisartagaanut, tassunga ilanngullugit akuersissutinik nakkutilliinerlut misissuisarnernullu ukiumoortumik akiliutaassapput.

Piginnaatitsissut ilaatigut akiliutit akuersissutinut ataasiakkaanut sulianut atassutillit, ilaatigut ukiumoortumik akiliutit, akuersissummut aalajangersimasumut toqqaannartumik attuumassuteqanngitsut, taamaattorli oqartussaasut nalinginnaasumik suliaassaqaarfiillu assigiinngitsut akornanni suliaasaannut ineriartortitsinernullu aaqqissuussanut tunngatillugu ingerlataannut, tamarmik immikkut akiliutissartalersorneqarsinnaanngitsunut, tassunga ilanngullugit ingerlaavartumik nakkutilliisarnermut misissuisarnernullu akiliutaasussat aalajangersarnerannut atorneqassaaq.

Nunatta Nakorsaaneqarfiata ataatsimut isigalugu suliassaqarfimmi matumani sularisartagassarai ingerlaavartumik suliassat soorlu akuersissummik allanngortitsisoqarnissaanik suliffeqarfiup qinnuteqaateqarnerani suliat sularineqarnissaat aamma ataasiakkaanut suliffeqarfinnik ilitsersuineq. Taakkua saniatigut Nunatsinni Nakorsaaneqarfiup nittartagaani ataatsimut isigalugu ilitsersuisoqartassaaq aamma ilitsersuineranut, suleriaatsinik nutarterineranut suleqatissanillu nutaanik sulisooreersunillu ilinniartitsineranut atatillugu suleriaatsinik nutarsaasoqartassaaq.

Taamaattoq siuliini eqqaaneqartut sularineqartartut kisimik akiliusersorneqartartussat pineqanngillat piffissammi ingerlanerani piginnaatitsissummi ersarissunik iluarsartuussisoqartarnissaa pisariaqartinneqalersinnaanera pissutigalugu.

§ 4-mut

Nalunaarutit § 1-ip aamma kiisalu § 2, imm. 2 oq. aappaani killilersuinerit naapertorlugit maleruarneqarnerannik nakkutilliinermik maleruagassaqartitsisunik Naalakkersuisut aalajangersakkatigut atuutilersinnaatinneqarput. Tamatuma saniatigut oqartussat nakkutilliisut ininut, uninngasuutinut, atuakkanut, niuernermi pappiaqqanut paasissutissanullu allanut nakkutilliinermut pisarialinnut akornuteqanngitsumik periarfissaqarnissaat tunngavilerneqarpoq. Pisuni taakkunanani inuk, suliffeqarfimmik piginnittoq, laboratoriami ingerlataqarfimmiluunniit pisortat paasissutissanik ikiaroomartunik suliaqarnermut tunngasunik, oqartussat nakkutilliisut nakkutilliinerup naammassinissaanut pisariaqartissinnaasaannik tunniussinissamik pisussaaitaassapput.

§ 5-imut

Imm. 1-imut

§ 2 imm. 4-mik unioqqutitsineq pinerluttulerinerimi inatsit naapertorlugu pineqaatissiissutigineqarsinnaavoq.

Imm. 2-mut.

Najoqqutassanik Inatsisartut inatsisaat manna naapertorlugu atuutilersinneqartunik unioqqutitsineq taamatutaaq Kalaallit Nunaanni pinerluttulerinerimi inatsit naapertorlugu pineqaatissiissutigineqarsinnaassaaq eqqartuussinernillu allanik malitseqartinneqarluni, matumanilu arsaarinnineq.

Imm. 3-mut

Inatsisartut inatsisaannik matuminnga taannaluunniit naapertorlugu najoqqutassiarineqartunik unioqqutitsineq inatsisitigut pisinnaatitaasunit pisussaaitaasunillu akileeqqusinermik malitseqartitsisoqartarnissaa siunnersuutigineqarpoq.

Imm. 4-mut

Suliami tamarmiusumi pissutsini ataasiakkaani eqqartuussiviup nalilersueqqissaarnera pineqaatissiinermi tamatigut aalajangiisuusarpoq, taamaammatt suliami aalajangersimasumi pissutsit sakkortusaataasut sakkukillisaataasulluunniit apeqqutaallutik pineqaatissiineq sakkortunerusunnaavoq sakkukinnerusunnaalluniluunniit. Pineqaatissiissummik aalajangiiniarnermi ikiaroonartut pineqartut ajoqusiisinaaneri annertussusiilu, unioqqutitsinerup sivilissusaa, siornatigut assingusunik unioqqutitsinerit, tunniussinissaq (matumani tuniniaaqinnissaq) siunertaralugu paarisarqarnej tunngavineqartarput.

Annermik ilinniarfeqarfinni, neriniartarfinni, tassunga ilanngullugit qitigiartarfinni, tusarnaartitsinerne festivalinilu aaqqissuussinerniluunniit allani, pingaartumik meeqqat inuusuttulluunniit peqataaffigisartagaanni tunniussinissaq siunertarinqarsimappat sakkortusaataasussatut tamanna isigineqassaaq. Meeqqat inussuttullu sunnertianerusutut isigineqarnerat taamaattumillu ikiaroonartunit pinngitsuuisinnaajunnaarnartunit immikkut illersorneqartariaqarnerat tamatumunnga pissutaavoq.

Pineqaatissiissutissanik uuttuinerne suut pingaartinneqarsinnaanersut ilanngussaq 2-mi nassuiarneqarput.

Imm. 5-imut

Ikiaroonartunik inerteqqutaasunik paarisarqartoqarpat, ikiaroonartut ajornanngippat arsaarinnissutigineqassapput. Aammattaaq pineqarput sakkut ikiaroonartunik pinerme atornejartartut, soorlu pujortaatit, sakkunulluunniit ikiaroonartunik agguaanerme atornejartartunut, soorlu oqimalutaavinnut imaluunniit ikiaroonartunik toqqortaateqarnerme puussianut tamanna atuuppoq.

Oqaatigineqassaaq periaaseq maannakkut atornejartoq attatiinnarneqassammatt, taamaalillutik ikiaroonartut atortullu naleqanngitsut, soorlu hashimik pujortaatit il.il. aalajangiinerme uppersaatinillu igitsinerme atatillugu politiinit aserorterneqartassapput, taamaattorli Pinerluttulerinerme inatsimmi kapital 37 naapertorlugu iluanaarutinit arsaarinnissutit imaluunniit taakku aningaasanngorlugit nalingi Nunatta Karsianut tutsinneqartassallutik.

Iluanaarutit annertussusaannik naatsorsuinerme aningaasat tuniniaanikkut pisiarineranilu akia ilanngaatigalugu pissarsiarineqartut aallaavineqassapput. Tuniniaanerme atatillugu aningaasartuutit, tassunga ilanngullugit tuniniaanerme ikiuuttunut akiliutit ilanngaatigineqassanngillat.

§ 6-imut

Unneqqaserlunnermik tunngaveqarluni, assersuutigalugu paasissutissanik eqqunngitsunik paatsoorneqarsinnaasunilluunniit nalunaaruteqarnikkut peqquserlulluniluunniit nipangiussinikkut Inatsisartut inatsisaat malillugu akuersissutinik pissarsisumut imaluunniit pissarsiniartumut pineqaatissiissutit aalajangersakkami matumani tunngavilerneqarput.

Taamaaqataanik § 1 naapertorlugu ikiaroorntunik nakorsaatissanut allagartaq allagartarlunniit inniminniissut pillugu saaffiginninnermut atatillugu ateq, najugaq atorfillunniit pillugit paasissutissanik eqqunngitsunik tunniussisoq pineqaatissinneqassaaq.

Aamma akuersissummik tunniunneqartumik piumasqaatit akerliinik iliuseqartoq pineqaatissinneqassaaq.

§ 7-imut

Imm. 1-imut

Inatsisartut inatsisaat 1. januar 2023-mi atuutilissasoq siunnersuutigineqarpoq.

Imm. 2-mut.

Inatsisartut inatsisaat atuutilerpat "lov nr. 169 af 24. maj 1955 om euforiserende stoffer" (Ikiaroorntut pillugit inatsit nr. 169, 24. maj 1955-imeersoq) Kalaallit Nunaanni atuukkunnaassaaq.

Inatsit pingaarneq Kalaallit Nunaannut atuukkunnaarpat, manna tunngavigalugu inatsisinut allannguutit nalunaarutillu tamarmik Kalaallit Nunaannut aamma atuukkunnaassapput. Taamaammat Lovbekendtgørelse nr. 391 af 21. juli 1969 om euforiserende stoffer (Qallunaat Nunaanni Inatsisaareersut allannguutaanik eqikkarlugit ikiaroorntut pillugit nalunaarut nr. 391 af 21. juli 1969) naapertorlugu Kalaallit Nunaannut aamma atuukkunnaassaaq.

Tusarniaanermut allakkiaq

Pappiaqqat oqartussanut suliffeqarfinnullu ukununnga tusarniaatigalugit nassiunneqarput:

- Allorfik
- Meeqqanut, Inuusuttunut Ilaqutariinnullu Naalakkersuisoqarfik
- Inuussutissarsiornermut, Suliffeqarnermut, Niuernermut Nukissiornermullu Naalakkersuisoqarfik
- Aalisarnermut, Piniarnermut Nunalerinermullu Naalakkersuisoqarfik
- Inatsiseqarnermut Naligiissitaanermullu Naalakkersuisoqarfik
- Isumaginninnermut Sulisoqarnermullu Naalakkersuisoqarfik
- Aningaasaqarnermut Naalakkersuisoqarfik
- Kalaallit Nunaanni Politiit
- Danmarkimi Justitsministereqarfik
- Nunatta Nakorsaataasivia
- Nakorsaaneqarfik
- Kalaallit Nunaanni Rigsombudsmandi
- Akileraartarnermut Aqutsisoqarfik (ilanngaasserivik) Peqqissutsimut aqutsisut

Tulliuttut tassaapput tusarniaanermi akissutit akissuteqaatillu:

Allorfik

Allorfik Ikiaroorartut pillugit Inatsisartut inatsisissaattut siunnersuutip tusarniaassutigineqarneranut qujavoq.

Allorfiup suliassaqarfimmi inatsimmik nutartikkamik, ikiaroorartut sorliit nunani tamalaani aalajangersakkat saniatigut malittarisassanik aalajangersaaffigineqarsinnaaneranik nalilersuinissamut piginnaatitaaffiup tiguneqarnissaanik qulakkeerinnittumik peqalernissaa qilanaaraa.

Allorfiup ikiaroorartunik erseqqinnerusumik nassuiaasumik pilersaarutigineqartut nalunaaruteqarnissaa immikkut pingaarutilittut isigaa, illuatungaanili ikiaroorartut Inatsisartut inatsisaanni pineqartut allattorsimaffiinik ingerlaavartumik kukkuneruisarnissaanngitsoq, allanneqareersutut ikiaroorartunik nutaanik ilanngussuisoqartuassammat.

Allorfilli isumaqarpoq inatsisip atuutilersinneqarneranut atatillugu inatsit taassumalu kingunerisinnaasaatut eqqarsaatigineqartut pillugit soqutigisaqartunut innuttaasunullu paasissutissiisoqartariaqartoq paasissutissallu taakku annertusarneqartuartaqartut nutarsarneqartuartaqartullu.

Akissut:

Allorfik immikkoortup aappaani suna pineqarnersoq itisilerniarlugu kingorna attaveqarfigineqarpoq. Allorfiup matumunnga tunngatillugu ilisimatitsissutigisimavaa, ikiaroorntartut nalunaarummi nassuiaasiorneqassasut pingaarluinnartutullu ikiaroorntartunik nutaanik pilersitsisoqartarnera eqqarsaatigalugu allattorsimaffiup nutarterneqartuartarnissaa naleqquttuusoralugu. Allorfiup aamma ilisimatitsissutigaa, ikiaroorntartut sorliit pineqarnersut pillugit oqallittoqannginnissaa pingaaruteqarpoq. Naalakkersuisut Allorfiup isumaliutaanut isumaqataapput. Ikiaroorntartut Inatsisartut inatsisaanni sorlerpiaat pineqarnerannik allattorsimaffik nalunaarummi takuneqarsinnaassaaq pisariitsumillu nutarterneqarsinnaassalluni. Allattorsimaffimmi allassimasut Nunatsinni Nakorsaaneqarfimmit, oqartussatut suliasamik matumunnga isumaginnilluarsinnaanerpaatut nalilerneqarsimasumit inassuteqartoqarneratigut ingerlaavartumik nutarterneqartassapput. Ikiaroorntartut pineqartut pillugit allattorsimaffiup qanoq nutarterneqartarnissaanut tunngatillugu naatsorsuutigisat naammattumik nalimmassarnissaat qulakkeerniarlugu siunnersuutip suliarineqanerani Nunatsinni Nakorsaaneqarfik oqaloqatigineqarsimavoq.

Aningaasaqarnermut Naligiissitaanermullu Naalakkersuisoqarfik

Aningaasaqarnermut Naligiissitaanermullu Naalakkersuisoqarfiup Ikiaroorntartut pillugit Inatsisartut inatsisissaattut siunnersuummut missingiut oqaaseqarfigisassanngorlugu tigusimavaa qujallunilu.

Naalakkersuisoqarfik inatsisissatut siunnersuummut tullinnguuttunik oqaaseqaatissaqarpoq:

- § 1 nr. 2 erseqqissarneqarsinnaavoq, taamaalilluni danskit aalajangersagaannut (LBK nr. 1334 af 09/12/2019) assingunerulersillugu, matumani erseqqikkami imatut nipeqarluni "inunnik ikiaroorntartumik atornerluisunik nakorsap katsorsaananeranut atatillugu nakorsaatit atorneqassasut".
- § 1, nr. 2 aamma § 2, imm. 2 imminnut ataqatigiinnerat erseqqinngilaq. Assersuutigalugu politiit Ilanngaaserisoqarfillu qimmiminnik sungiusaanissaminnut atugassaminnik ikiaroorntartunik tunniussinissartik, tigusaqarnissartik paarisaqarnissartillu pisariaqartippaat. Suliat taama ittut nakorsaatitut ilisimatusarnermulluunniit tunngasutut taaneqarsinnaanngillat. Assersuut alla tassaasinnaavoq aatsitassanut aalisarnermulluunniit tunngatillugu suliffeqarfiit ikiaroorntartumik arlalinnilluunniit allattorsimaffimmiittunik siunissamilu allattorsimaffimmut ilanngunneqartussanik laboratoriani misissuinermi nioqutissiornermiluunniit atugassaminnik atorfissaqartitsisinnaanerat.

Inatsisissatut siunnersuummi immikkoortut tallimaannut nassuiaatini erseqqinngilaq siunnersuut inuit peqqissusaannut kinguneqarnissaa kinguneqannginnissaaluuniit naatsorsuutigineqarnersoq. Taakku cannabisimik tunisassianut nakorsaatissanut tunngatillugit erseqqinngillat (§ 1 nr. 2), taamaattumik inatsisissatut siunnersuummi ilisimasatigut tunngaviit nassuiaatini nalinginnaasumi erseqqinnerusumik eqqartorneqarnissaat naleqquttuusinnaavoq.

Nakorsaatit nunanut allarpassuarnut sanilliullugit maani nunatsinni nalinginnaasumik akeqanngillat. Cannabisimik tunisassiat nakorsanit nakorsaatissiissutaasut taamatuttaaq akeqassanngitsut ilimagineqarpoq. Nunatta Karsianut aningaasartuutaanerusussaq (tamakkiisumik ilaannakortumilluunniit) uppersarneqarsimasoq qanoq annertussuseqartussatut missingerneqarpa?

Akissut:

§ 1, nr. 2-mut tunngatillugu danskit aalajangersagaannut innersuussutigineqartumut assigitinneqarnissaa siunertaanngilaq. Aalajangersagarli inatsimmi pineqartumi § 2, imm. 1-imut assigunissaa siunertaasimavoq. LBK nr. 1334, 09/12/2019-imeersumi § 1-imi heroinimik atornerluisunut katsorsaaneq pineqarpoq. Peqqinnissaqarfimmi qullersanit paasissutissat naapertorlugit katsorsaariaaseq taanna Kalaallit Nunaanni atorneqanngilaq, taamaattumillu aalajangersagaq taamaapjaartoq atorfissaqarani. Siunnersuummi nakorsaatissatut taamaallaat atorneqarnissaannut tunngasoq assersuutigalugu morfinimut assigisaanullu ikiaroorartutut isigineqarsinnaasunut aammali napparsimasunik nipaallisaanermut atatillugu atorneqartartunut innersuussivoq.

§ 1, nr. 2-p aamma § 2, imm. 2-p ataqatigiinnerannut tunngatillugu ilisimatitsissutigineqassaaq siunnersuummi § 1, nr. 1 naapertorlugu akuersissutinik aalajangersimaqqissaartunik tunniussarnikkut ajornartorsiutit taaneqartut aaqqinneqarsinnaajumaartutut nalilerneqarnerat.

Tusarniaanermi akissutini nassiunneqartuni immikkoortunut kingullernut marlunnut tunngatillugu erseqqissaassutigineqassaaq cannabisimik nakorsaatinik misileraalluni aaqqissuussinerup eqqunneqarnissaanut Inatsisartut aalajangernerat immikkut suliarineqassammat ikiaroorartunullu tunngatillugu inatsimmut toqqaannartumik tunngaveqassanani. Illuatungaani cannabisimik nakorsaatit tunisassiat sorliit Nakorsaatit pillugit ataatsimiititaliap allattorsimaffiani nakorsaatitut inerteqqutaanngitsutut ilanngunneqarnersut apeqqutaapput. Nakorsaatit pillugit Inatsisartut peqqussutaanni nr. 1, 12. maj 2005-imeersumi § 7, imm. 1 matumani naapertorneqarpoq. Taamaattumik Naalakkersuisut nalilerpaat, cannabisimik nakorsaatinik inerteqqutaajunnaarsitsinikkut innuttaasut peqqissusaannut aningaasaqarnikkullu kingunerisinnaasat siunnersuummut matumunnga nassuiaatini nassuiarneqarnissaat pisariaqanngitsoq. Taamaattoq Inatsisartut cannabisimik nakorsaatinik misileraalluni aaqqissuussinerup eqqunneqarnissaanut aalajangernerannik atuutilersitsinermut atatillugu taakku isumaliutigineqarumarput.

Kalaallit Nunaanni politiit

Kalaallit Nunaanni Politiit matumuuna Ikiaroorartut pillugit Inatsisartut inatsisissaattut siunnersuutip tusarniaassutigineqarneranut inatsisissatut siunnersuummut oqaaseqaatissatik nassiuppaat.

§ 4-mut siunnersuutigineqartoq eqqarsaatigalugu aalajangersakkamik peqqissutsimut oqartussat suliffeqarfinnik il.il., inatsit naapertorlugu ikiaroorntunik, nalunaarummi tassungalu ikiaroorntut aallaaviatigut inerteqqutaasut allattorsimaffiini ilaatinneqartussanik suliaqarnissamut, tunniussinissamut il.il. akuersissutilinnik nakkutilliinissamut periarfissaqarnissaasa siunertaanissaa tunngavigineqarpoq. Tiguisissat eqqarsaatigalugit aalajangersakkap siammasissumik paasineqartussanngorlugu allanneqarsimanera oqaatigineqassaaq. Tamatuma saniatigut oqaatigineqassaaq Kalaallit Nunaanni Politiit isumaat malillugit nakkutilliineq, piginnaatitsissut il.il. pillugit, danskit ikiaroorntut pillugit inatsisaannit taassumalu nalunaarutitaani § 29-imit allaanerummiq malittarisassiornissaaq pissutissaqarpassinngitsoq. Missingiummi § 4-imi aalajangersagaq taamaattumik pisariaqanngilaq.

§ 5-imi siunnersuutigineqartoq eqqarsaatigalugu allassimavoq, unioqutitsinerit pinerluttulerinermi inatsimmi malittarisassat malillugit pineqaatissiissutigineqarsinnaasut, tamatumalu kingorna allassimalluni akiliisitsinerit arsaarinnissutillu aalajangersakkat taakku naapertorlugit Nunatta Karsianut tutsinneqassasut. Tamanna tullinnguuttunik oqaaseqaateqarnissamut tunngaviliivoq:

- Pinerluttulerinermi inatsimmi allanngummik akuersisoqarsimavoq, taamaalilluni pinerluttulerinermi inatsit malillugu arsaarinninneq 1. juli 2022-miit pineqaatissiissutaajunnaassalluni, tassaalerlunilu "inatsisitigut allatut malitseqartitsineq". Taamaattumik aalajangersagaq imatut oqaasertalersorneqassagaluarpoq – "pinerluttulerinermi inatsit malillugu pineqaatissiissutit" allassimatinnagu imatulli allassimatillugu "pinerluttulerinermi inatsit malillugu pineqaatissiissutit inatsisitigullu allatut malitseqartitsinerit".
- Imm. 5-imut siunnersuutigineqartoq imatut paasisassaavoq akiliisitsissutit arsaarinnissutillu Nunatta Karsianut tutsinneqassasut. Taamatut oqaasertalernerata kingunerisaanik arsaarinnissutigineqartut assersuutigalugu atortorissarutit, hashimik pujortaatit, ikiaroorntut arsaarinnissutigineqartut il.il. Namminersorlutik Oqartussanut tunniunneqassapput. Tamannali naleqquppallaanngilaq, taamaattumik matumani iluanaarutitik arsaarinninneq pineqartoq erseqqissarneqarnissaa isumaliutigineqarsinnaavoq, ajornanngippat ikiaroorntut atortullu naleqanngitsut, soorlu hashimik pujortaatit il.il. aalajangiinermut uppersaatinillu igitsinermut atatillugu politiinit sulii aserorterneqartarnissaat piimasaqaatigineqartoq nassuiaatini erseqqissarneqarsinnaavoq.

Kalaallit Nunaanni Politiit – siuliani eqqartuinertut – ataatsimut isigalugu inatsimmut nalunaarut tassungalu allattorsimaffiit naammassineqarnissaat pisariaqarluinnartoq, taamaalillutik inatsisip atuutilernerani atuutilerniassammata aammalu nalunaarutit allattorsimaffiillu ingerlaavartumik nutarterneqartarnissaannut isumalluutitik pisariaqartinneqartunik peqqinnissaqarfik immikkoortitsinissaa pisariaqarluinnartoq erseqqissassavaat.

Kalaallit Nunaanni Politiit tassunga atatillugu innersuussutigissavaat, matumunnga nalunaarut siunissamilu allannguutit Kalaallit Nunaanni Politiinut tusarniaassutigalugit nassiunneqartassasut.

Akissut:

§ 4-mut tunngatillugu ilisimatitsissutigineqassaaq, suliffeqarfii, nakorsaataasiviit, utogqaat illui, ilinniarfeqarfii, ilisimatusarfii allallu ikiaroorartunik Inatsisartut inatsisaanni pineqartunik suliaqarnissamut, tunniussinissamut il.il. akuersissummik pissarsisinnaasut nakkutigineqartussaammata. Taamaattumik tiguisussat eqqarsaatigalugit aalajangersakkap siammassissuuginnarnissaa naleqquttuosorineqarpoq. Saniatigut oqaatigineqassaaq inatsisiliornermi maleruagassat atuuttut naapertorlugit piumasqaataammat § 4, imm. 1-2 naapertorlugit eqqartuussiviit akuersiteqqaarnagit ininut, uninngasuutinut, atuakkanut il.il. periarfissaqarnissaaq inatsimmi tunngaveqarluni taamaallaat pisinnaammat. Tamanna tunngavigalugu aalajangersakkap allanngortinnissaa tunngavissaqarsorineqanngilaq.

§ 5-ip oqaasertalersorneranut tunngatillugu politiit isumaliutaannut Naalakkersuisut isumaqataapput. § 5, imm. 1-ip aamma 2-p oqaasertalersorneri taakku naapertorlugit allanngortinneqarput. Arsaarinnissuteqartarnermut taakkulu aserorterneqartarnerinut tunngatillugu politiit isumaliutaannut Naalakkersuisuttaaq isumaqataapput. Taamaattumik erseqqissaaneq nassuiaatini ilanngunneqarpoq. Naalakkersuisut politiit nalunaarutip, ikiaroorartut sorlerpiaat inatsimmi pineqarnersut pillugit erseqqissaasussap pingaaruteqassusaanik oqaaseqaataannut isumaqataavoq. Nalunaarummut missingiut ilaatigut politiinut tusarniaassutigalugu 2022-mi ukiakkut ataatsimiinissaaq sioqqullugu nassiunneqassaaq, taamaalilluni nalunaarummut siunnersuut kingusinnerpaamik Inatsisartut inatsisissaattut siunnersuullu ataatsikkut akuerineqarnissaannut naammassisimassalluni. Naalakkersuisut taamatuttaaq nalunaarsorpaat inatsimmi siunissami allannguuteqartoqartillugu Politiit tusarniarneqartarusuttut.

Pineqaatissiissutissanut najoqqutassaq

1. Aallaqqaasiut

§ 1 naapertorlugu Naalackersuisut aanngajaarniutit arlallit maani nunameeqqusaannginnerannut imaluunniit nunami maani nakorsaatitut ilisimatusarnermulluunniit tunngasumik taamaallaat atorneqarsinnaanerannut malittarisassanik aalajangersaasinnaapput. Taamaalilluni ikiaroonartunik eqqussinermut, annissinermut, ingerlatitseqqinnermut, pisinermut, tuniniaanermut, tunniussinermut, tigusinermut, sananermut, piareersaanermut paarisqaarnermulluunniit tunngatillugu malittarisassat erseqqinnerusut Ikiaroonartut pillugit Namminersorlutik Oqartussat nalunaarutaanni aalajangersarneqarput.

Nalunaarummi aalajangersakkanik unioqqutitsineq pinerluttulerinermi inatsimmi malittarisassat malillugit pineqaatissiissutigineqarsinnaavoq. Pineqaatissiinissamut najoqqutassiaq tullinnguuttuni nassuiarneqassaaq, tassanilu pineqaatissiissutissanik uuttuinermi suut pingaartinneqarsinnaanersut nassuiarneqarlutik. Taamaakkaluartoq tamatigut suliani ataasiakkaani pissutsit ataasiakkaat tunngavigalugit eqqartuussiviit pineqaatissiinerup annertussusuaa aalajangertassavaat. Taamaalilluni tamatigut ataasiakkaarlugit nalilersorneqartassapput, matumani suliami ataatsimi pissutsit attuumassutillit pingaartinneqartassallutik.

2. Pissutsit sakkortusaataasut

Pineqaatissiissutinik uuttortaanermi pissutsit tullinnguuttut sakkortusaataasinnaapput, inatsimmik ikiaroonartut pinngitsuuisinnaajunnaarnartut pissarsiarineqarnissaasa killilernissaat annertunerusumillu inuiaqatigiinni atugarliortut sunnertiasullu, soorlu meeqqat inuusuttullu illersorneqarnissaat siunertaammata.

2.1. Akuutissat qanoq ittuuneri

Uttortaanermi ikiaroonartuq suunersoq aalajangiisuusarpoq, taamaalillutik ikiaroonartut annertunerusumik pinngitsuuisinnaajunnaarnartut, annertunerusumik ajoqusiisartut aningaasatigulluunniit annertunerusumik iluanaarutaasinnaasut sakkortusaataasarput nalinginnaasumillu sakkortussutsimut nassuiarneqartumut sanilliullugu sakkortunerusumik pineqaatissiissutaasinnaallutik.

2.2. Unioqqutitseqqinneq

Unioqqutitseqqinnerit sakkortusaataasutut isigineqarsinnaapput, taamaalilluni pineqaatissiissummik uuttortaanermi siusinnerusukkut unioqqutitsinerit assingusut, pineqartup unioqqutitsilluni pinerluuteqarsimasutut eqqartuussaassutigisai aamma apeqqutaassapput.

2.3. Tunniussinissaq siunertaralugu, tassunga ilanngullugu tuniniaaqqinnissaq siunertaralugu paarisagarneq

Inuk ikiaroonartunik ingerlatitseqqinnissaq, tassunga ilanngullugu tuniniaaqqinnissai siunertaralugit unioqqutitsisumik paarisagaruni tamanna sakkortusaataasutut isigineqarsinnaavoq.

Iluutsit arlallit tunniussinissamik siunertaqarluni paarisagartoqarneranik takutitsisinnaapput. Nalilersuinerimi siullertut pingaarnertullu ikiaroonartuq pineqartoq annertoq namminermini aalajangiisuusinnaavoq. Annertussutsit annertunerpaaffissaat nammineq atugassatut naatsorsuutigisariaqartut taamaalillutillu ingerlateqqitassatut naatsorsuutaanngitsut tullinnguuttumi nassuiarneqarput:

- 10 gr. hash
- 50 gr. marihuana
- 100 gr. hampenit naasut
- 1 gr. cannabiol/hasholie

Akuutissanik siuliani taaneqartunik arlalinnik paarisagarneq soorunami nalilersuinermit sakkortusaataassapput, naak siuliani killiliunneqartunik ataasiakkaarlutik qaangiinnikkaluartut. Immikkoortumi 2.2-mi nassuiarneqartut unioqqutitseqqinnerit ingerlatitseqqinnissaq siunertaralugu paarisagarnermik takussutaasinnaapput, matumani pissutsit aamma apeqqutaallutik.

Ataatsimut annertussusaat apeqqutaatinnagit taamatuttaaq ikiaroonartut tuniniaqqitassanngorlugit annikinnerusunngorlugit, assersuutigalugu plastikimik puussiaaqqanut siittartunut assigisaannullu poortukkat aalajangiisuusinnaapput. Tamatuma saniatigut unnerluussaq sakkunik attuumassutilinnik soorlu oqimaalutaavimmik, naatsorsuutinik aningaasanilluunniit amerlasuunik, pineqartup isertitaanut tunngatillugu naapertuutinngitsunik aamma paarisqaqarnersoq nalilersuinermi ilanngunneqarsinnaavoq.

Oqaatigineqassaaq, ikiaroonartut siuliani taaneqartut, soorlu heroin, kokain, morfin assigisaalu pillugit immikkut isummertoqarnikuunngimmat, taakku Kalaallit Nunaanni nalinginnaasumik nassaassaaneq ajormata.

2.4. Sumiiffiit immikkut ittut

Pingaartumik tuniniaaqqinneq neriniartarfinni, tassunga ilanngullugit qitigiartarfinni, tusarnaartitsinerni festivalinilu imaluunniit aaqqissuussani allani, pingaartumik meeqqanit inuusuttunilluunniit peqataaffigineqartuni pisimappat pinissaaluunniit pilersaarutigineqarsimappat sakkortusaataasinnaavoq.

Taamatuttaaq pineqaatissinneqarsimasunut inissiisarfimmi imaluunniit Pinerluttunik isumaginnittoqarfiup inissiisarfiini allani ikiaroonartunik paarisqaqartoqarsimappat sakkortusaataasinnaavoq.

2.5. Aningaasaqarnikkut annertuumik iluanaaruteqarfiusumik aaqqissuussaasumik tuniniaaneq

Tunisat, agguarneqartut, eqqunneqartut anninneqartulluunniit annertussusii uppersarneqarsimasut aaqqissuussaasumik, pilersaarutaasumik iliortoqarsimaneramik imaluunniit assersuutigalugu pinerlunniaqatigiit pinerlunnerisa assigisaasaluunniit ilaattut annertunerannik takutitsipata, pineqaatissiissummik uuttortaanermi isiginiarneqarsinnaasutut saniatigut sakkortusaataasutut isigineqarsinnaapput. Akiliisitsilluni pineqaatissiinerit iluanaarutaajunnartunut aamma sanilliunneqarsinnaapput.

3. Pissutsit sakkukillisaataasut

Pineqaatissiissutinik uuttortaanermi pissutsit tullinnguuttut sakkukillisaataasinnaapput, inuiaqatigiinni annikinnerungaatsiartumik ajoqusiisussatut nalilerneqarmata pineqaatissiineq nalinginnaasoq imaluunniit sakkortunerulersitsineq siunertaqanngitsutut isigineqarsinnaammata.

Pissutsit sakkukillisaataasut akiliisitsissutinik annikillisisinnaapput aammali akiliisitsilluni pineqaatissiissutit atorunnaarsinneqarsinnaapput illuatungaanillu pinerluttulerinermi inatsit naapertorlugu mianersoqqussutigineqarlutik.

Mianersoqqusineri pineqarput Eqqartuussisaaseq pillugu inatsimmi § 313 naapertorlugu politiinit unnerluussisuutitaasunilluunniit mianersoqqusinerit imaluunniit pinerluttulerinermi inatsimmi § 119 naapertorlugu eqqartuussivimmit mianersoqqussutit tunniunneqartut. Taakku saniatigut pissutsit sakkukillisaataasut pinerluttulerinermi inatsimmi §§ 135-136 naapertorlugit atuiunnaarsaasoqarnissaanik atugassarititanilluunniit assingusunik pineqaatissiinermik kinguneqarsinnaapput.

3.1. Isumaginninnermut tunngasut

Pineqaatissiissutinik uuttortaanermi inuup inuttut atugarisai nalilersuineri siuniani taaneqartutut ilanngunneqarsinnaapput. Ikiaroorartunik paarisqaqarnermut atuinermullu sivisuumik ataavartumillu atorerluisuunerup kingunerisaanik pinngitsuuisinnaajunnaarneq sakkortoq pissutaappat tamanna sakkukillisaataasutut isigineqarsinnaavoq.

Nalilersuineri pineqartup pisortanit pilersorneqarnini taamaattumillu naammattumik akiliisinnaassuseqanngimmat akiliisitsissut akilersinnaajumaarneraa aamma ilanngunneqarsinnaavoq. Pineqaatissiissutitut akiliisitsissuteqarnerit kingunerisaannik inuit pinngitsuuisinnaajunnaarnermik sakkortuumik atugallit pisortanut akiitsui akiliisitsissutigineqarsinnaanngitsut amerliartuinnassapput. Tamanna innuttaasunut ataasiakkaanut tulluannqilaq Inatsisartullu inatsisaanni siunertamut naapertuunnani.

Taamaattumik pisumi tassanerpiaq unioqqutitseqqittoqaraluartoq akiliisitsinani, mianersoqqusinnissaq aamma Eqqartuussisaaseq pillugu inatsimmi § 313 naapertorlugu unnerluussinnginnissaq tulluarnepaassanersoq isumaliutigineqarsinnaavoq. Tamanna pinsinnaavoq, pineqartoq pisortanit ikiorsiissutinik, assersuutigalugu aningaasanngorlugit ikiorsiissutinik siusinaartumilluunniit sulisinnaajunnaarnerisutinik pisartagaqarpat, pineqartorlu allanik isertitaqartarnani aalajangersimasumilluunniit amerlassusilinnik ileqqaagaqanngippat.

Taakku saniatigut pineqartup ikiaroorartunik pinngitsuuisinnaajunnaarnermik annertuumik atugaqarnermigut sivisuumik atorerluisuusimanagera ulluinnarnilu atuisuunera aalajangiisuusariaqarpat. Inuk assersuutigalugu ilinniagaqarnerisutisarpap ikiaroorartunillu periarfissaqarnermigut, assersuutigalugu weekendini atuisarpap, taava

akiliisitsilluni pineqaatissiinerup mianersoqqussuteqarnermut sakkukillinissaa tunngavissaqassanngilaq, pinngitsuuisinnaajunnaarneq sakkortunngimmat, sivisuumik atugarineqarsimanngimmat ulluinnarnilu atuineq pineqanngimmat.

Pisumi tassanerpiaq aamma isumaliutigineqarsinnaavoq pinerluttulerinermi inatsimmi §§ 135-136 naapertorlugit atuiunnaarsaasoqarnissaanik atugassarititanilluunniit assingusunik pineqaatissiinissaq tulluarnepaanersoq.

3.2. Unioqqutitseqqinnerit

Erseqqissaatigineqassaaq mianersoqqussutit killilimmik amerlassuseqartut piffissap siviisuup ingerlanerani kisimik tunniunneqarsinnaasariaqarmata. Tamatuma kingorna unioqqutitseqqinneq akiliisitsinermik pineqaatissiissutigineqassaaq, ikiaroorartut annertussusaat pineqartullu inuttut atugarisai apeqqutaatinnagit. Taamaalilluni piffissap sivikinnerusup, assersuutigalugu qaammatip ataatsip iluani mianersoqqusinerit marluk akiliisitsinermik aallaaviatigut kinguneqassapput, piffissalli sivikinnerusup, assersuutigalugu ukiut marluk iluanni unioqqutitsinerit pingasut suli mianersoqqusinerimik kinguneqarsinnaassapput. Aammattaaq suliami pissutsit aalajangersimasut tamatigut nalilersorneqartassapput.